

Bìoball airson na Cloinne

A' cur fan comhair

A' Chiad Chàisg



Sgrìobhte le: Edward Hughes
Dealbhan le: Janie Forest
Alastair Paterson
Eadar-theangaichte le: Lyn Doerksen
Air eadar-theangachadh le:
Eleanor Wood agus Joan NicDhòmhnaill
Dèanta le: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2020 Bible for Children, Inc.

Cead: Tha cead agaibh an sgeulachd seo a chlà-bhualadh,
agus leth-bhreacan a dhèanamh, fhad nach eil sibh gan reic.

1

Sheas am boireannach air an
leathad fuaimneach, a sùilean
brònach a' coimhead
an-àirde air sealladh
eagallach. Bha a Mac
a' bàsachadh. B' e
Muire a' mhàthair
agus sheas i faisg
air an àite far an
robh Ìosa air a
thàirngeadh
ri crois.



2




Ciamar a thachair seo uile? Ciamar a chuir Ìosa crìoch air beatha cho bòidheach ann an dòigh cho uabhasach? Ciamar a leigeadh Dia le Mhac a bhith air a cheusadh gu bàs an sin? An do rinn Ìosa mearachd mu Cò E? An do dh'fhàilnich Dia?

3



Cha do dh'fhàilnich! Cha do rinn Ìosa mearachd sam bith. Bha fhios aig Ìosa fad a bheatha gun deigheadh E a mharbhadh le daoine aingidh. Fiù nuair a bha Ìosa na leanabh, dh'innis seann bhodach, Simeon, do Mhuire gun robh bròn ri thighinn.

4




Beagan làithean mus deach Ìosa a mharbhadh, thàinig boireannach agus chuir i ola-ungaidh air A chasan. "S e call airgid a tha sin," ghearain na deisciobail. "Rinn i obair mhath," arsa Ìosa. "Rinn i e airson m' adhlacaidh." Abair faclan neònach!

5

Às dèidh seo dh'aontaich Iùdas, deisciobal Ìosa, ri Ìosa a bhrath dha na h-àrd-shagartan airson 30 bonn airgid.



6



Aig Càisg nan Iùdhach, dh'ith Ìosa A dhiathad mu dheireadh Aige còmhla ri A dheisciobail. Dh'innis E dhaibh rudan mìorbhaileach mu Dhia agus A gheallaidhean dhan an fheadhainn aig a bheil gaol Air. An uair sin, thug Ìosa aran agus cupa dhaibh airson a roinn eatorra. Bha seo airson cuimhneachadh dhaibh gun deach corp agus fuil Ìosa a thoirt seachad airson peacaidhean a mhaitheadh.

7

An uair sin, dh'innis Ìosa dha na caraidean Aige gun deigheadh a bhrathadh agus gun ruitheadh iadsan air falbh. "Cha ruith mise air falbh," arsa Peadar. "Mus gairm an coileach an-diugh bidh tu air m' àicheadh trì tursan," arsa Ìosa.




8



Nas anmoiche san oidhche, chaidh Ìosa a dhèanamh ùrnaigh ann an Gàrradh Getsemane. Thuit na deisciobail a bha còmhla ris nan cadail. "M' Athair," arsa Ìosa, "... Leig leis a' chupa seo a dhol seachad Orm. A dh'aindeoin sin, chan ann mar as toigh leamsa, ach mar as toigh Leatsa."

9

An uair sin mhèarrs sluagh mòr a-staigh dhan ghàrradh, Iùdas air an ceann. Cha deach Ìosa nan aghaidh, ach gheàrr Peadar dheth cluas duine. Gu socair, bhean Ìosa ris a' chluais agus leighis e i. Bha fhios aig Ìosa gun robh e na pàirt de mhian Dhè gun deigheadh a chur an grèim.



10

Thug an sluagh Ìosa gu taigh an àrd-shagairt. An sin, thuir na ceannardan Iùdhach gum bu chòir do Ìosa bàsachadh.

Faisg air làimh, sheas Peadar ri taobh teine nan searbhantan a' coimhead.



11

Trì tursan, sheall daoine air Peadar agus thuir iad, "Bha thusa còmhla ri Ìosa!" Trì tursan, dh'àich Peadar e, dìreach mar a thuir Ìosa. Bha e fiù 's a' mallachadh agus a' mionnachadh.




12

GOG-A-GHUIDHE-GHAOIDHE



Anns a' bhad, ghairm coileach. Bha e mar guth Dhè dha Peadar. A' cuimhneachadh faclan Ìosa, chaoin Peadar gu goirt.

13



Bha Iùdas duilich cuideachd. Bha fhios aige

nach robh Ìosa ciontach de pheacadh no de dh'eucoir sam bith. Thug Iùdas na 30 bonn airgid air ais, ach cha ghabhadh na sagartan an t-airgead. Thilg Iùdas an t-airgead sìos, chaidh e a-mach agus chroch e e fhèin.


14



Thug na sagartan Ìosa gu Pìlat, an riaghladair Ròmanach. Thuir Pìlat, "Chan eil mi a' faighinn coire sam bith anns an Duine seo." Ach chùm a' ghràisg dhaoine orra ag èigheach, "Ceus E! Ceus E!"

15


Mu dheireadh thall, chaidh Pìlat leotha agus thug e binn a-mach gum bàsaicheadh Ìosa air crois. Bhuail na saighdearan Ìosa, thilg iad smugaid Na aghaidh agus chuir iad E. Rinn iad crùn borb de droigheann fada, geura agus dh'fhàisg iad e air A cheann. Thàirng iad E ri crois fiodha airson bàsachadh.



16

Bha fhios a-riamh aig Ìosa gur ann mar sin a bhàsaicheadh E. Bha fhios Aige cuideachd gun toireadh A bhàs maitheanas do na peacaich

a chuireadh earbsa Ann. Chaidh dithis eucoireach a cheusadh ri taobh Ìosa. Chreid aonan ann an Ìosa agus chaidh e gu Pàrras. Cha do chreid am fear eile.



17

Às dèidh uairean fada de dh'èiginn, thuir Ìosa "Tha e crìochnaichte," agus chaochail e. Bha Obair deiseil. Thiodhlaic a charaidean E ann an tuama prìobhaideach.




18

Sheulaich saighdearan Ròmanach an tuama agus chuir iad geàrd air. Cha b' urrainn duine faighinn a-steach - no a-mach.




19

Nam b' e seo deireadh an sgeòil, bhiodh e uabhasach brònach. Ach rinn Dia rudeigin mìorbhaileach. Cha do dh'fhuirich Ìosa marbh!



20

Tràth sa mhadainn air a' chiad latha san t-seachdain, lorg cuid de dheisciobalan Ìosa gun deach a' chlach a roilgeadh far na h-uaighe. Nuair a choimhead iad a-staigh, cha robh Ìosa ann



tuilleadh.

21

Dh'fhuirich aon bhoireannach, a' caoineadh, ri taobh na h-uaighe. Nochd Ìosa dhi! Rinn i cabhag le toileachas air ais gus innis dha na deisciobalan eile. "THA ÌOSA BEÒ! THA ÌOSA AIR ÈIRIGH O NA MAIRBH!"



22

Thàinig Ìosa gu na deisciobail agus sheall E dhaibh A làmhan leis na tuill-tàirnge orra. B' e an fhirinn a bh' ann. BHA ÌOSA BEÒ A-RITHIST! Thug E mathanas do Pheadar airson àicheadh agus thuit E ris na deisciobail Aige innse dhan a h-uile duine mu A dheidhinn. An uair sin thill E dha nèamh bhon tàinig E.

23

A' Chiad Chàisg

Tha an sgeulachd seo à Facal Dhè,
Am Bioball, ri

Mata 26-28, Lùcas 22-24,
Eòin 13-21

Tha an leabhran seo mar ghibht bho:
"Bheir fosgladh do bhriathar solas."
Salm 119:130

24

A' Chrìoch

54



60

25

Tha sgeul a' Bhiobaill ag innse dhuinn mu ar Dia mhìorbhaileach a chruthaich sinn agus a tha ag iarraidh gum bi thu eòlach Air.

Tha fios aig Dia gu bheil sinn air rudan dona a dhèanamh, rudan ris an can Esan peacadh. Is e bàs am peanas airson peacadh, ach tha gaol cho mòr aig Dia ort gun do chuir e an t-aon Mhac a bh' aige, Ìosa, a bhàsachadh air Crois, agus a dh'fhuilang airson nam peacaidhean agadsa. An uair sin thàinig Ìosa beò a-rithist agus chaidh E dhachaigh a Nèamh! Ma bhios tu a' creidsinn ann an Ìosa agus ag iarraidh Air do pheacaidhean a mhathadh, nì E sin! Thig E a thàmh annad an-dràsta, agus bidh tu beò còmhla Ris gu bràth.

Ma tha thu a' creidsinn gur e seo an fhirinn, can seo ri Dia: Ìosa chaoimh, tha mi a' creidsinn gur Tusa Dia agus gun tàinig thu don talamh a bhàsachadh air mo sgàth, agus gu bheil Thu beò a-rithist. Thig nam bheatha agus maith dhomh mo pheacaidhean agus am faigh mi beatha ùr an-dràsta, agus aon latha gun tèid mi a dh'fhuireach còmhla Riutsa gu sìorraidh. Cuidich mi a bhith gad leantainn agus a bhith beò air Do sgàth mar Do leanabh. Amen.

Leugh am Bioball agus bruidhinn ri Dia a h-uile latha! Eòin 3:16

26